

Hero production ehf.
Súðarvogur 7
104 Reykjavík

Reykjavík, 25. maí 2022
UST202205-252/P.V.B.
09.08.02

Efni: Akstur utan vega vegna kvikmyndatöku í Náttþaga

Umhverfisstofnun hefur móttækið umsókn Hero production ehf., dagsett 17. maí 2022, um leyfi til aksturs utan vega í Náttþaga vegna kvikmyndatöku.

Samkvæmt 1. mgr. 31. gr. laga nr. 60/2013 um náttúruvernd er óheimilt að aka vélknúnum ökutækjum utan vega. Umhverfisstofnun er heimilt, ef nauðsyn krefur, að veita leyfi til þess að aka vélknúnum ökutækjum utan vega vegna kvikmyndagerðar, ef ekki er unnt að vinna viðkomandi störf á annan hátt, sbr. 3. ml. 2. mgr. 31. gr. laga nr. 60/2013, um náttúruvernd.

Lýsing verkefnis:

Sótt er um leyfi til að aka einni bifreið um 1 km leið frá bílastæði, merktu P2 á korti sem fylgdi umsókninni, eins langt og slóði sem er á svæðinu nær inn að nýja hrauninu í Náttþaga. Tilgangur akstursins er að flytja búnað og fólk vegna ljósmynda- og kvikmyndatöku sem fara eiga fram 27. maí 2022. Áætlað er að það þurfi 5 ferðir til að ferja búnaðinn á staðinn og aðrar 5 til að fara aftur með búnað á bílastæðið. Gert er ráð fyrir að verkefnið taki 4-5 klukkstundir.

Áhrifamat:

Umhverfisstofnun telur að í ljósi þess að fyrirhugað er að aka eftir leið sem notuð hefur verið af viðbragðsaðilum á svæðinu hafi fyrirhugað verkefni ekki veruleg neikvæð áhrif á svæðinu sé farið eftir þeim skilyrðum sem sett eru fyrir leyfi þessu.

Skilyrði:

Umhverfisstofnun veitir Hero Production ehf. fyrir sitt leyti leyfi fyrir akstri utan vega í Náttþaga sbr. lýsingu hér að ofan þann 27. maí 2022 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Takmarka skal fjölda ferða sem keyrður er eins og kostur er.
- Koma skal fyrir merkingum á tókustað um að leyfi fyrir akstrinum hafi fengist hjá Umhverfisstofnun.
- Til að koma í veg fyrir að kvikmyndin/auglýsingin hvetji til utan vega aksturs þá er óheimilt að sýna ökutæki aka utan vegar.
- Einungis skal aka bifreiðinni eftir leiðinni sem merkt er á kortið frá bílastæði P2 að tókustað og til baka.

- Skilja skal við svæðið eins og komið er að því.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Gæta skal að mengunarvörnum farartækja og þess gætt að mengandi vökvi berist ekki í jarðveg/vatn.
- Þess skal gætt við akstur utan vega að hann fari fram á tímum þar sem hann veldur sem minnstu raski á jarðvegi og gróðri.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Leyfi landeigenda þarf fyrir verkefninu.

Umhverfisstofnun bendir á að hraunið fellur undir ákvæði sérstakrar verndar, sbr. 61. gr. laga um náttúruvernd nr. 60/2013 og því óheimilt að raska því eða fjarlægja. Af öryggisástæðum er fólk beðið um að ganga ekki á hrauninu. Jafnframt bendir stofnunin á að það er hættulegt að vera í nánd við hraunið vegna mögulegrar staðbundinnar gasmengunar. Hér er hægt að nálgast frekari upplýsingar um dvöl á svæðinu <https://safetravel.is/gos-a-reykjanesi?lang=is>

Leyfisgjald:

Umhverfisstofnun mun innheimta gjald fyrir vinnslu og afgreiðslu umsókna á grundvelli 1. mgr. 92. gr. laga nr. 60/2013 um náttúruvernd. Gjald fyrir umsókn um akstur utan vega er kr. 39.400- sbr. 24. gr. a. í gjaldskrá Umhverfisstofnunar nr. 535/2015.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt

Inga Dóra Hrólfsdóttir
sviðsstjóri

René Biasone
sérfræðingur